



PRESS RELEASE ASOCIJACIJE ZA UMJETNIČKU FOTOGRAFIJU BiH - # 12 novembar 2015.

EX-YU SUSRETI FOTOGRAFA "LESKOVAC 2015"



Leskovački foto klub po šesti put je bio domaćin susreta fotografa bivše Jugoslavije pod nazivom "5 samit fotograf Ex Jugoslavije". U početku susretu su bili zamišljeni da budu samit foto saveza, no ipak do tog ostvarenja nije došlo, te je samit preraštao u druženje fotografa umjetničke fotografije i zasigurno postao mjesto najkvalitetnijeg programa nekih susreta fotografije na ovom dijelu Balkana. U dosta bogatom programu koji je uključivao predstavljanje gostiju, otvaranje izložbi fotografija, pre-

davanja te terensko snimanje, postavljena je i izložba autora AUFBiH od deset radova čiji je izbor iz kolekcije FotoBiH načinio Kašćelan Milorad. Izložene su sljedeće

fotografije : Ozren Bozanović - Jutro 1, Mirsad Mujanović - Sunrise in Kopacki Rit, Dejan Selaković - Vodena impresija, Branko Pejaković-Deluge, Ajbar Mujanović – Escape, Siniša Skenderija – Carousel, Milorad Kašćelan - Shepherd 07, Slobodan Krstić - Shepherdess 8, Dragan Prole - Ćumurana 5, Senad Tahmaz - Hard winter, Muhamed Borović - Code man, Željko Jelić - Golden age. Predstavnici AUFBiH bili su Radioje Elez i Mucović Predrag, dok su još iz Bosne i Hercegovine prisustvovali Siniša Skenderija, Gordana Skenderija, Jovan Vidaković i Igor Dutina.



KLUPSKA IZLOŽBA FOTO KLUBA TREBINJE U BILEĆI



Trebinjski foto klub u svojoj istoriji bio je rasadnik fotografije i propagator umjetničke fotografije u ovom dijelu Bosne i Hercegovine. Praktično u posljednjih šezdeset godina klub se pojavljivao sa programima koji su uključivali čak fotografске manifestacije saveznog značaja. Tu crtu edukativnog propagatora klub je zadržao do današnjih dana. O ovome svjedoče kupske izložbe fotografije koje su kao putujuće izložbe obišle ovaj dio Bosne i Hercegovine. Tako se ovogodišnja 9. klupska izložba obrela i u Bileći.

Izložba je postavljena u Galeriji Srpskog kulturno prosvjetnog društva "Prosvjeta" Bileća. Otvaranje izložbe upriličeno je 15. oktobra 2015. godine u 19,00 sati. Iako se radi o klu-

bu koji je osnovan 1948. godine i Bileći kao teritorijalno najbližoj opštini gradu Trebinju, ovo je bila prva izložba trebinjskog foto kluba u ovom gradu. Inače radi se o izložbi koju su imali prilike do sada da vide ljubitelji fotografije u Trebinju i Gacku. Uz pozdrav dobrodošlice domaćina bilečke Prosvjete izložbu je otvorio Radoje Elez član FKK Trebinje. Prisutne je upoznao sa istorijom kluba, te sadašnjim aktivnostima i o samom izložbi. S obzirom da je u vrijeme otvaranja izložbe bilo kišno nevrijeme kako samo i zna da bude u Hercegovini, otvaranju je prisustvovalo mnogo manji broj posjetilaca od očekivanog. Međutim narednih dana istu su organizovano posjetili učenici osnovnih i srednjih škola, te veliki broj zainteresovanih koji nisu došli na samo otvaranje.



In memoriam : EŠREF KORIJENIĆ



Početkom novembra u 86. godini života umro je jedan od najvećih doajena tehničke kulture kod nas Ešref Korijenić. Pripadnik, političar, planinar, a ponajviše "mladi tehničar". Ešref je svoj čitav radni vijek posvetio obrazovanju mladih vršeći razne funkcije u strukovnim

savezima Narodne tehnike. U Foto savez BiH dolazi već nakon njegovog osnivanja, da bi od pedesetih do početka šezdesetih godina prošlog vijeka bio član Predsjedništva Foto saveza BiH obavljajući razne dužnosti u odborima i komisijama. Najveći doprinos dao je u edukaciji i organizaciji izložbi fotografija gdje se ponajviše bavio dizajnom kataloga i prezentacionog materijala. Bavio

se i umjetničkom fotografijom i snimanje amaterskih filmova, a kao fotograf dobio je zvanje fotografa prve klase. Nažalost obaveze i angažovanja u privredi i politici su ga odvojili od aktivnog fotografskog rada i stvaralaštva. I-pak sve do početka osamdesetih godina ostao vjeran fotografiji aktivno učestvujući u radu ži-



1976 Tuzla - Žiriranje izložbe fotografija učenika osnovnih škola BiH, prvi s lijeva Ešref Korijenić

rija fotografija mladih. Objavljivao je članke o tehničkoj kulturi i narodnoj tehnici u dnevnim i periodičnim listovima te objavio knjigu "Zapis o tehnici i Narodnoj tehnici".



1953 - Katalog izložbe jugoslavenske fotografije u Sarajevu čiji je dizajn radio Ešref Korijenić

EFIAP - FOTOGRAFSKA ZVANJA ZA ČLANOVE AUFBIH

Na osnovu Pravilnika FIAP-a o sticanju zvanja u umjetničkoj fotografiji dodijeljena su nova zvana našim članovima i to ovoga puta ona najviša. **Slobodanu Krstiću** iz Asocijacije Art foto Bijeljina dodijeljeno je zvanje EFIAP srebro (EFIAP/s), a **Draganu Proletu** iz Univerzitetskog foto kluba Banja Luka zvanje EFIAP platina (EFIAP/p). Ujedno ovo je najviše zvanja koje je do sada dodijeljeno nekom autoru iz Bosne i Hercegovine.



IZLOŽBA FOTOGRAFIJA 10. FOTO SAFARI "TRAVNIK - JAJCE 2015"

ASOCIJACIJA ZA UMJETNIČKU
FOTOGRAFIJU U BOSNI I HERCEGOVINI

Foto klub FOT Travnik

**KLUB
FOT
TRAVNIK**



Foto safari
"Travnik - Jajce 2015"
novembar / studeni 2015.

Već tradicionalno nakon održanih foto safaria travnički klub FOT upriliči izložbu fotografija učesnika safarija. Tako je bilo i ove godine, te je u Zavičajnom muzeju Travnik početkom novembra, postavljena izložba na kojoj su učestvovala 23 autora sa 306 fotografija dok je za izlaganje odabранo 112 fotografija. Žiri izložbe su činili : Slobodan Krsić, Radoje Elez, Siniša Skenderija i Ozren Božanović, dok je obradu podataka izvršio Siniša Skenderija.

Nagrade su dobili za pojedinačnu fotografiju Prole Dragan prvu, Mujanović Mirsad drugu, dok je Taib Žunić dobio treću nagradu. Pohvale su dobili Milorad Kaščelan, Zenir Šuko i Branko Pejaković. Prva nagrada za kolekciju pripala je Mirsadu Mujanoviću, druga Taibu Žuniću, a treća Miloradu Kaščelanu. Pohvale su dobili Prole Dragan, Samir Mujakić i Mirta Dervišević.

Izložbu je otvorio predsjednik kluba Mujanović Mirsad, a nagrade i pohvale uručio Mirko Adžaip.



IMPRESSUM

FotoPress je press dodatak časopisu Foto Info koji registrovan kod Ministarstva pravde Federacije BiH pod rednim brojem 653 od 06. 02. 1997.g.
FotoPress uređuju članovi foto kino klubova, foto grupa i sekcija.
www.fotobih.ba - Kontakt e - mail adresa : ozren@bih.net.ba